


古  
五  
六



土岐文庫
文庫17
W68
8



10

15

20



文庫 17  
W68  
8

010185194065

昭和六十年二月六日  
立文善書廣氏  
寄

欽定國朝詩別裁集卷十五

禮部尚書臣沈德潛纂評

吳

雯

字天章山西蒲州人應博李鴻

清挺生新趙秋谷宮贊謂千頃之波  
不可清濁天姿國色粗服亂頭亦佳

怡稱其詩  
之分單

選題王咸中石陽山房

積水淨九州東南益蕩潯人家半洲島蘿

篠互蒙密具區我舊遊石鳴君棲逸至今

門司  
亮  
藏  
書



堯峰上猶上堯時日。窗外一湖明。階前衆  
山出。春風散巖花。細雨溜崖密。仙靈每來  
往。真儒閑倚。匹表聖具生壙。維摩得丈室。  
泉聲四回抱。嶺勢百率律。何日復籛糧。爲  
君訪衡泌。堯峰十宇新城  
尚書以此賞

黃涓先生游太華山遂得結屋地賦

贈

車箱谷口雲白照松間路。誰能訪叔卿巖

竇一身度黃門。具奇情。振策御風步。萬仞  
入洪濛。理勝境無怖。壑轉晦明錯。樹老丹  
青誤。俯見蒼蒼原。明河正東注。驟雨忽翻  
濕。肘腋蛟螭怒。須臾且長虹。關陝半呈露。  
徑側修竹倒。石迸垂藤護。相逢紫烟客。目  
擊道皆遇。齋房肉芝香。石困松花聚。卜居  
志已得。探幽坐成趣。嗟我生勞勞。入世每  
多懼。夢繫毛女壇。身遠將軍樹。日月對晴



蓮塵容自生妬何年便結鄰同住雲生處

十字奇警寫長虹從未到此

羊山

落日山風吹長松亂清影白雲透殘雪忽

見前峰眼野鳥下寒竹孤僧汲修纒聊欲

遂幽尋理策度西嶺左

雜詠

樓居有何好仙人苦留戀金銀雜玉階終

是世俗見玉頭舉玉壺遠者兩不羨富貴

不可求况復貧與賤嗟我果何從一愚了

千萬即韓子歸愚識夷途意寫來生辣

次青縣題驛

去年九月長安來鯉魚風起船旗開本年

三月舊山去馬上綠楊掠飛絮舊山風景

復何如昨日家人有報書當門萬里崑崙

水千點桃花尺半魚



憶棲巖寺

最憶棲巖寺。招涼有舊亭。河流過郡。白山  
勢入關。青崖斷峰留。密松高鶴隊。翎盧師  
吾有約。許共一函經。新城欲以山入  
百蠻青句敵之

望華山

蓮花五千尺。靈翠自洪濛。每變風雲色。能  
恭造化功。陰將連太白。氣自滌關中。欲問  
真源在。仙人住紫宮。氣自滿關中  
上字下片

雲中寺

天半雲中寺。四山皆白雲。我來雲際宿。卻  
憶雲中君。塔影當晴出。濤声入夜聞。此中  
有猿鶴。莫動北山文。起四語盛唐  
人有此原句

寄向書友

曾聞向始平。能注南華經。之子真苗裔。江  
山發性靈。寒蛟終謝餌。老鶴不梳翎。戴酒  
鶯花節。長吟入洞庭。



古意東徐勝力

美人絕南國。顏色如朝霞。昨來耶溪上。妬  
殺芙蓉花。秦珠隨月滿。越練逐風斜。獨慕  
孤高義。今年尚浣紗。太白

宿吳山寺樓簡嚴灑亭先生

蕭々暮雨急。寒檠獨倚高樓少。四鄰江上  
鼙鼙悲。鼓角下方燈火散。星辰梅花何處  
三四更。無家萬里人。不是相逢嚴僕

身天涯誰念州堂貧

一句含三層意從萬  
里悲秋長作客一聯

明妃

不把黃金買畫工。進身羞與白媒同。始知  
絕代佳人意。即有千秋國士風。環珮幾曾  
歸夜月。琵琶惟許託賓鴻。天心特為留青  
塚。春草年年似漢宮。

明妃并寫懷抱  
脫前人束縛為妙

吳門初春



聞道江干冰漸消。眼看芳草坐無聊。酒杯  
總使愁中得。春色終難客裏銷。山鳥漫吟  
泥滑滑。吳娘偏唱雨瀟瀟。歸時借問金陵  
路。桃葉新添幾尺潮。秀絕

齋居

瓠落何須慮大樽。蕭然無客款柴門。春秋  
未習嚴彭祖。紀傳常輕褚少孫。下澤幾曾  
驅款段。長河終擬溯崑崙。雷聲太白連朝

急。次第牆東過雨痕。

文中子舊居

汾水湯湯繞舊居。白牛溪畔雁飛初。早知  
道不閑窮達。應悔金門輕上書。上書於隋文。非其時

也如此持論文  
中亦應首肯

題雲林秋山圖為查德尹

經營慘淡意如何。渺渺秋山遠。遠波豈但  
穠華謝桃李。空林黃葉亦無多。石田翁傲  
雲林畫其



師杜瓊從旁觀之曰又過矣又過矣解得此意方知此詩之妙

### 贈少年

二十少年望麟閣。盤馬彎弓氣磅礴。眼前都尉知是誰。雲中但看雙鵬落。

### 戲贈李武曾

沉醉東風盧女絃。泥人佳句滿題箋。預愁長夜無春色。偏種桃花作墓田。猶有未忘生死者在

馮 樾 字个臣江蘇松江人

### 過陳留

天邊鵲影客心傷。落日驅車過外黃。誰具草蔬邀郭泰。自慙名姓賞中郎。巴河風起荒烟黑。博浪雲開遠樹蒼。明發梁園舊遊地。十年潦倒愧行藏。典切處有自己身分

楊 岱 字東子四川彭縣人

### 棧道

鳥道與天齊。盤雲萬壑低。層巒飛瀑下。空

國朝詩集卷五



木亂猿啼。山勢危巴郡。邊声隔隴西。可憐  
存輦路。烟雨草凄凄。起步有聲有勢

夜泊

夜船將泊棹歌齊。芳草凄凄野路迷。只有  
斷猿無宿處。最高枝上徹明啼。

劉叔頤 百年湖廣麻城人

四時詞

雲母空宮曉烟薄。温庭池邊雨過飄帷幕。

許日長風轉柳青青。賈銀線千條度虛閣。  
韓捲簾巢燕羨飛飛。羅芳草王孫歸不歸。  
韋曾寄錦書無限意。劉篋香消盡別時衣。

午睡醒來愁未醒。張子煩襟乍觸冰臺冷。  
韓白蓮池畔送清香。皮日樓角漸移當路  
白影。易臨風與歎落花頻。魚又喜幽亭  
蕙艸新。杜來日遙遙無一事。韋雙鬢鬪雀



動階塵元

水映輕苔猶隱綠馬懷素夜窓颯颯搖寒竹

井邊疎影落高梧愛鳥啄風箏碎珠玉

元劉覺來紅樹背銀屏莊露濕叢蘭月滿庭

孫魚玄扇閉朱門人不到機輕羅小扇撲流

螢杜

城上暮雲凝鼓角許孤裘不暖錦衾薄岑

樓寒院冷接平明李商隱簾外霜花染羅幕

蒙煙生密竹早歸鴉元即士向鏡輕勻襯

臉霞韓遲日未能消野雪皇甫冉故穿庭樹

作飛花韓愈音節悠揚無集句痕迹與可云異曲同工

贈宋牧仲方伯

曾入甘泉侍武皇李暫隨紅旆佐藩方韋

長承密旨歸家少王建出使星輶滿路光錢

謀略久參花府盛韋風流三接令公香起

李願共言東閣招賢地孫肯為詩篇問楚狂



周賀

邵長蘅

字子緇江南武進人十歲補弟子員後為秦銷案結誤以山人

終其身著有青門集○山人古文與侯朝宗貌叔子稱鼎足詩劉離頭挫力追唐人嘗選有明何信陽李比地王弇州李滄溟四家之詩矯錢牧齋持論偏駁而以程孟陽詩為繼祧識者題之晚歲入宋商印中丞幕府乃變蘇黃范陸之派亦宋詩中矯者然視從前如二手矣茲所存者皆青門麓稿中祇略來云

經彭蠡湖口望廬山

晨帆發馬當。景異停湖滙。壯渚搖清陰。南

灣走蒼靄。迴眺極羊繇。群山爭瑣碎。蒼然

雲霧中。拔起匡嶽大。絳氣天闕紫。白雲山

腰會。遠岑抱積雪。近巖屯灑霽。倒景澄湖

光飛瀑。濕天外。延佇情彌結。攀躋阻莫遂。

五老空煙霞。九疊竟茫昧。慚愧夙心乖。臨

風一長嘔。連下潯陽舟中

潯陽舟中作



羈心零雨悲水宿風潮倦  
茲晨廓澄霽沿流慨佳玩  
綠英媚芳洲雜花覆春岬  
青天鏡中流浴鳥沙際亂  
落日碎江光林巒采餘絢  
靡靡遠烟生霏霏夕暉眩  
蒼然望廬山山霽旦暮變  
絳霞晨干霄風氣夕暮熾  
近巒或浮黛遠瀑如紫練  
賞奇得新歡覽物有餘戀  
山水愔娛人客懷為一遣

雜詩

撫劍忽不懌去上歌風臺  
河流日夕迅莽莽寒雲墜  
帳殿下牛羊鼎肩懸三蒿  
萊極目見芒碭古人骨已  
灰蕭曹白刁筆樊灌奮  
驚駘欲起附龍鳳黃風被  
八垓途窮蹶駭足運通伸  
庸林擾擾路旁子疇知衷  
所哀

起勢慨慷途窮二語括盡  
楊子鮮嘲中後一語意

漁父

東湖有漁父艇倚清溪瀨  
垂竿秋雨中



歌夕陽外九月蘆花白西風鯉魚大釣亦  
未必得得亦未必賣扣之默無言鼓柁悠  
然邁竟非夷非惠聊以忘憂猶不免自道身分此更超然

熊經略

經略用遼瀋完經略罷遼瀋殘再起田間  
賜劔印經撫日戰元黃公本萬蕩平竟何  
有撫臣主戰經主宋一夜廣寧風鶴驚撫  
臣先走經亦走撫臣庸愚何足齒奈何經

略也惜死若使慷慨孤軍指在殘疆報

天子縱然馬革裹尸還九尺昂藏一男兵  
奈何經略也惜死不死西曹死西市九邊

傳首魂有知日烟電光血裂皆經略之誤

一走其實經理遼瀋具有悍略不應與王  
一化貞同罪也傳首九邊群姦借經略以  
殺楊左諸公耳天下克  
之一結稟稟有生氣

周將軍

攬槍狂驅萬騎橫嚼九州無完土邱成



血骨益城池。所過堅城孰抗拒。寧武一城  
如彈丸。誰與守者周將軍。將軍畫鷁健絕  
倫。生駒攬陣不截雲。見賊如蝟。身逾輕手  
擊。觸覆茜袍腥。力竭罵賊血。齒齧旗竿矢  
集怒。益震閨中紅顏。能殺賊十發。十殪無  
虛鎗。崑山火。燄紅玉。熱天壞。寥寥兩全節  
大同宣。麻真奴。僂兩鎮。降書同日來。長驅  
京闕疾。於矢賊談寧武。猶昨指列鎮。盡如

周將軍我輩那能飛至此賊通寧武將軍

戰死夫人劉善財發一矢 輒斃一賊城  
陷問門自焚未即用流賊語 作結連得  
有力姜瓖王承蔭之迎降也  
詳見後李王洲太史詩中

### 解伸長畫十八學士圖歌

秦王蚩髯一尺鐵。提槩親搗中原血。畫開  
天策群龍趨。諸公衮衮皆英傑。當時立本  
傳。畫圖不載想像猶能識。我家比障解翁  
筆。宣和院體工設色。臺榭渲染輝丹青。官



殿玲瓏麗金碧頗工人物良苦思舊本摹  
拓開鬚眉官袍緋紫雜青綠腰帶撻尾紛  
帨垂髮髻銅龍散講後晝遲行樂分曹偶  
房公微笑杜公坐投壺散秩無不存就中  
一人落筆酣細看恐是虞世南其餘學士  
貌各異戟峨列坐影華檐論畫馬亦殊  
絕奕駒十八森成列銀鞍金鍔音高纏鏐  
三匹翹足五匹鬪太液淡淡春風波黃人

奚官白爛驪牽來十四池上浴丹鬣剪刷  
噴桃花可憐人馬爭輝寵應軒坐久神逾  
竦憶昔風塵際會初君臣契合水與魚功  
成開府迨清暇春容翰墨非荒娛只今朝  
野仍艱虞時危整頓英雄需撫圖懷古心  
蘇紆書生豈有封侯願煉慨擊碎玉唾壺  
高吟梁父浮雲徂十八人豈能悉數點房  
林虞三人其餘以虛上  
該之可惜繁  
簡虛實之法



五人墓行

春光澹沲山塘路遊絲晴絮嬌芳樹路旁  
 剥落三尺碑云是前朝五人墓借問五人  
 誰中間笑兀顏佩韋東西四塚排纍纍墓  
 門畫鎖松風迴書生曾讀前朝史依稀能  
 說前朝事天啟年間歲在寅緹騎四出驚  
 狂獗此時一舸飛吳閭扇鞞繡襖來昂藏  
 吏部短衣出就逮白作周忠介順昌觀者擁塞如

堵墻轟轟萬口那可辨哭聲震天日色黃  
 五人大呼奮臂起形勢欻忽壓羹塘誰何  
 一校先橫屍中丞卻避御史忙詔收棄市  
 罪激變至今死骨傳芬芳憶昔逆閹恣塗  
 炭銀斧銅甕衣冠殃諸公駢首填牢穴東  
 林首指左與楊復與就考備五毒尸蟲噬  
 肌不得葬叶切委鬼更灼薪天能寧祠金  
 榜蛟龍翔鳳闕敢擬至尊塚龜趺忍立成



均旁往往高呼九千歲。冕旒衣王爭輝煌。  
 寧知勢歇頓翻覆。阜城自絕閹奴吮生祠。  
 處處毀斥盡木石。估值充邊防。豈惟闡祠  
 旋毀撤廿年。變故那能詭鼎湖。鳧雁飛滿  
 天。鍾山天壽狐狸穴。玉匣珠襦夜不扃。皇  
 陵白骨愁冬青。眼前寂寞一杯土。參天檜  
 柏蒼蚪鱗。年年寒食山橋畔。指點飛花說  
 五人。順叙魏奄之流毒勢便乎直此從擊  
 縵騎後用一昔二字追敘自得順

相生之法亦暗指  
 竟數此一付神求

沛縣官舍留別楊簡庵表兄

我騎白鼉浮江來。連濤倒蹴羣山開。黃河  
 咆哮黑浪惡。一月始及歌風臺。骨肉五年  
 不相見。風塵歛覩吾兄面。我昔弱齡今有  
 鬚。君亦蹉跎四十餘。薄宦千里不快意。一  
 官仍擁青瑣居。感君意氣與君好。沉連累  
 月開懷。把夜飲酣呼。玉屈卮。晝遊連騎金



腰裏高秋九月天。氣涼呂母塚上塵沙黃。  
 出驕快馬風比捷。從少年輩逐兩聲弓弦。  
 拓作礮礮響。鴉鴉飛去噉空桑。割鮮野飲  
 氣益壯。肯作新婦車中藏。歸去歡宴不知  
 夕。羌樂琵琶鼓箏笛。明河欲浥斗西斜。主  
 人稱壽客雜席。吁嗟遊子如轉蓬。作客未  
 幾行第冬。忽憶故鄉行樂好。黃鷄正肥新  
 鷓鴣紅。明日驪駒更東首。馬上別君但揮手。

北風厲發短後衣。蕭條中野行人稀。廣陵  
 驛前暮潮落。京峴山頭雪片飛。河水遙遙  
 接江水。別淚與之誰是非。楚然而入中射  
 揚神似  
 太白

雪後登滕王閣放歌

我携鐵篋羅浮回。豫章城頭吹落梅。羅浮  
 仙人太狹獵。葦蘆滕六拱呵搗。亂洒梅花  
 徧原隰。干峰一夜爭皚皚。曉披白鶴氈。獨



上勝王閣。九疊屏風。失青翠瓊樓十二垂。  
 珠箔長江。滟淼迷孤蓬。漁舟藏浦。高梳泊。  
 團團萬頃。水晶盤一片。寒光寫。寥廓初疑。  
 海上浮神仙。蓬壺縹緲不可攀。其物禽獸  
 皆白色。自注用封禪書語銀爲官闕。虛無間。又疑  
 誤誇玉虹八月府。玉醜抱枿凍不舉。霓裳  
 對對舞。仙姝清虛高處寒。如許回頭。雉蝶  
 堆環。瑤簷冰柱地。鐸鈴語鱗鱗萬瓦。溼烟

浮旋。巖此身尚塵土。忽憶勝閣今千年。滕  
 王蛺蝶隨荒烟。子安退之骨已朽。何況珠  
 簾歌舞當時妍。惟有兩山只如舊。此中棲  
 隱多神仙。洪崖丹竈流銀水。蕭史茅龍耕  
 石田。我欲左携葛勾漏。右挽梅子真徑呼。  
 玉蚪騎上天雲中。縞鶴紛翮蹻或言神仙  
 之說。竟茫昧且飲美酒。醉來顏向晚江山  
 轉清絕。逸興挈雲坐。起忽夜深。踏雪還上



來揮手寒窓招海月。茫洋渾涵千變萬狀極才人之能事

江急

江急雨冥冥。江豚吹浪腥。濤奔遠岸白。峰  
逐去帆青。野戍春低樹。灘舟火聚星。長年  
趁風便。向晚更揚舲。

九江

吳楚一江共。波濤九派分。湖光寒自白。崖  
嶽曉常雲。虎鬪荒村跡。猿啼落日聞。琵琶

亭廢久。楓葉正紛紛。

哭亡兒士驥

遺編編繙不忍轉。憶課經時過。愛翻成薄求。  
全屢受笞。一燈寒夜影。十載膝前兒。辛苦  
成何事。酸心我不慈。即鞞撲過多憐較少  
意一經烹鍊便竟不

凡  
盥櫛經旬嬾。衣衫漬淚痕。伶俜餘此日。門  
戶且誰論。痛我無兄弟。憐渠是冢孫。臨朝



寒食莫復立。黯銷魂。

直白語悲痛弥深一結即柳州寄許孟容

書中顧盼無後繼者意

### 登歌風臺懷古

芒碭真人乘赤龍。故鄉行輩有遺宮。辟埋  
蝌蚪荒碑在木落。牛羊寢殿空。湯沐百年  
歡。父老衣冠十日擁。兒童淮陰已。族黥彭  
醢慷慨何濟患。大風歌風時韓彭黥俱已族矣思猛士有心耶

### 望鍾山

陪京雉堞迴蒼然。畫憶高皇逐鹿年。沃馬  
北騰穿碣石。長虹南倚劃吳天。鼎湖龍去  
離宮鎖。覆道花繁紫禁偏。悵望寢園今寂  
寞。牧人秋臥孝陵烟。

### 登吳城望湖亭

鄱湖湖合贛江流。倚檻江湖望轉幽。湖勢  
北搖。崖嶽動江聲。西擁豫章浮。魚龍畫嘯  
千艘雨。日月晴懸一鏡秋。回首戰爭曾此

國朝詩別卷之三

七



地。荻花蕭瑟隱漁舟。

題冀渭公所藏楊忠愍梅花詩卷

渭公大父梅軒。故官比部郎。忠愍  
頌繫時。先生傾身橐籥。忠愍高其  
詣。為作此卷。同時周旋。詔獄霸州  
王繼津。太倉王元美。及應生最著。  
先生事世鮮知者。康熙丙辰。渭公  
來。兵間出。卷示余。蓋百二十餘年。

物矣。展卷肅然。敬題其後。

黯淡緗緜。墨影寒。那能展卷不沈瀾。營開  
虎豹。麤軀易畏路。風波仗友。難濺血九原。  
仍化碧。批鱗一疏。獨留丹。文山詩句。眉山  
筆。古瘦清香。再拜看。自注忠愍有古瘦清香  
香原太始之句。重  
忠愍及周旋詔獄畫  
梅意只用一點已足

登太湖西峰

山色蒼蒼積翠迴。沿綠仄徑入莓苔。嶺邊



風葉藏僧寺。樹杪飛泉灑。客杯清磬一聲。  
松子落。白雲萬頃。太湖來。三高惆悵俱陳。  
蹟。落日山空。樵唱回。

張

宮

字處中江  
南華亭人

飲沈蕩生池館

嘉樹俯城陰。居然爽氣深。非秋常落葉。不  
夜有歸禽。邱壑容芝草。冰霜耐竹林。主人  
山水志。誰與共清音。

送李素心之岳陽

畫舫中流。芳草齊臨風。張樂洞庭西。從官  
諭蜀通三峽。大將平蠻下五溪。衡嶽雲開  
鴻雁度。巴陵月落鷓鴣啼。好憑羽扇成雄  
鎮。荒服于今靖鼓鼙。初平三楚之  
後故有領略

陸次雲

字雲士。斯江錢塘人。官江陰知

性情出之。故語多沉著。而所選詩轉  
在宋元以之怡情。不以之爲宗法也。

雜感



雷霆能擊人獨畏操莽威鬼神能福人獨  
 於孔孟遺今古無鑒戒禍亂相乘除問天  
 天不言屈平空著書四十字中可  
 地地每苦寒狐貉出天山南地每苦熱絺  
 葛生于越人之所欲溷天意預為設大哉  
 造化功於世何所闕天道自然君子亦  
 芝蘭出穢壤芙蓉生淤泥賦性自芳潔於  
 此徵神奇君子處濁世師惠以全夷何必

登首陽高歌懷采薇見傲傲易汙堯堯易

打身處世之道

出門

堂上有慈親身外無昆季承歡賴妻賢委  
 之以為弟弱女方四齡初知離別意恐其  
 牽袂啼深傷遊子緒乘彼睡未醒溫存加  
 絮被拜母不能言揖妻交重寄此際心若  
 摧出門方隕涕弟字真至出門方隕



回首望家山漸遠山漸低側聽岸旁語鄉  
音已漸移放舟入大河烟水無端倪偶逢  
相識人遙呼心依依無如交行舟倏忽已  
遠離

泛洞庭湖

大浸數五湖莫大於洞庭時當春夏交雪  
蝸水氣蒸仰視但有天與波同一青茫茫  
六合中不見大塊形三老弄洪濤澎湃意

所輕至此乃敬慎風正始揚舫同舟色俱  
靜半帆容與行此中有楠木千載成英靈  
出沒每不時異響令人驚舟婦散紙錢徐  
徐乃就平死生呼吸間宴坐猶兢兢吁嗟  
縹緲中難測鬼神情或問傳書事心知不  
敢應是賦洞庭別於賦海楠木數  
言寫來恍惚變幻疑鬼疑神

君馬黃

君馬黃臣馬白君執珪臣執璧君意皇皇



臣翼翼四海會同來有繹和在鑣鸞在軾  
驕驕八駿不齊色馳驅不向崑崙隊馬之  
良良以德。

誌感

人生當貴顯每淡布衣交誰肯居臺閣猶  
能念草茅朱輪來北闕土室訪西郊古道  
今還在淳風近有巢。

登岱

得過三觀下因上岱宗巔海吸長河遠天  
包大地圓五更先見日九點半升烟孰謂  
方隅廣迴環睥睨前。天色大地圓形天地  
之全也五字極寫岱

高宗之

白溝河

道出白溝河沉吟喚奈何古今陵谷變高  
下戰場多厲鬼依殘骨畊人拾斷戈烽烟  
嗟又甚搔首一悲歌



五溪雜詠

崎嶇幽谷裏盡是碧雲阿祖每尊盤瓠祠  
皆祀伏波峒民參漢俗溪女唱苗歌溉種  
漁樵暇悠然卧薜蘿

挂帆將西月猶在亂流中野豕能飛箭江  
豚善拜風安危馮激浪行止信孤篷影落  
南天外飄零望新鴻

天下大師墓

水關西出隱浮屠飛來半月孤病虎  
無心看地固潛龍有恨逐南都十三陵外  
餘抔土二百年來失鼎湖一自桑田成海  
後總啼鶻血洒平蕪天下大師係元僧人  
墓處文無出亡之事  
前人辨之詳矣此仍舊說而賦之病  
虎謂道衍也道衍有北固青青眼倦看  
句

疑塚

疑塚纍纍漳水頭如山七十二高邱正平



只有墳三尺。千古安眠鸚鵡洲。大為文人吐氣

詠史

儒冠儒服委邱墟。文采風流化土苴。尚有陸生坑不盡。留他馬上說詩書。

題荆山石壁

寄語山靈聽。嘯歌連城再別歎。如何人間碧眼應難遇。莫產瓊瑤誤卡和。七言絕每能用意不

咸缶

章靜宜字湘御江南長洲人諸生。湖

四先生並擅才華名滿大江南北。聞湘御尤工于詩。近人抄有知者。

擬劉太尉傷亂

宗社觀厄運。夷夏亂皇綱。神州盡糾紛。腥羶逼晉陽。余本炎精裔。投職事危疆。思將南山石。一補天柱荒。妖氛煽四野。中道罹崑崗。上慙楚色香。請師救國殃。下愧漢寶螭。保境拒強梁。遺軌寧不仰。微志竟莫償。



身同南冠囚。撫膺涕泗澆。心如高懸旌。因  
風尚飛揚。吹篴樓我棟。嗚笳新我腸。孝行  
既已虧。忠名徒自傷。功勛付逝水。意氣亦  
何常。寫出越石心事詩格  
亦幾如唐臨晉帖

汴梁行

汴州城內風鶴驚。汴州城外連軍營。一夜  
金隄雷電起。千年五騎波濤聲。大梁自古  
繁華地。三市風光最明麗。西連伊闕作屏

藩。北控成寧如帶礪。高帝當年闢草萊。分  
封萬騎自天來。蘭窓仍起飛雲殿。樹寢還  
通造字臺。子孫奕祀承青社。議親常得君  
王赦。傳來樂府勝河間。製就新聲誇鄴下。  
東風十里覆長堤。萬樹千條各向西。珠履  
盡知公子客。寶釵時見舍人妻。金梁明月  
空中度。玉津芳草迷歸路。園內雙雙蛺蝶  
飛。橋邊隊隊驪騮駐。雙雙隊隊更如何。紫



陌朱城拂逝波。自言百歲來歌舞。自謂三  
時競綺羅。綺羅歌舞無窮極。炎天烽火嗟  
何及。此地誰知青犢鳴東門。忽見黃虬入  
飄零。雉堞少人行。牙旗大纛自縱橫。波翻  
夏后前。朝廟潮打梁。王舊日城故。侯冷落  
悲徒步。新兒荒荒泣烟霧。鸛雀高棲故氏  
倉。鴛鴦虛抱相思樹。至今榛棘尚成行。落  
日寒沙古戰場。無忌已知新去魏。相如不

欽定國朝詩別裁集卷十四

禮部尚書臣沈德潛纂評

周 質 字青士浙江秀水人著有采山

古今光工韻語朱竹垞太史極推許  
之嘗紀其軼事有郡丞行署與周為  
鄰周吟誦徹夜丞聞其聲亦達且不  
寐書遺吏勾提將赴扶有士夫救  
援得不辱至今秀  
水人猶津津道之

七歌集句

長吟遣愁悲歌當哭我思古人實



獲我心集七歌

十年失路誰知已。擾擾塵中猶未已。恒飢  
稚子色淒涼。病僕呻吟呼不起。當年意氣  
不肯平。昨日論交竟誰是。嗚呼一歌兮歌  
已哀。石田茅屋亮蒼苔。園中有棗行人食。  
忍能對面為盜賊。有時長歎獨移時。安知  
我有不平色。秋風落葉閉重門。白髮如絲  
歎何益。嗚呼二歌兮歌始。江客不堪頻

北望意中素。莫與先吳春。艸青青新覆地  
年年歲歲一牀書。不忍見之益愁思。愁心  
反覆夢難成。天寒鴈度堪垂淚。嗚呼三歌  
兮歌三發。中天夜久高明月。北風微雨虛  
堂秋。昨日之日不可留。四時不得一日樂  
朝夕。催人自白頭。仰天大笑出門去。安得  
行歎復坐愁。嗚呼四歌兮歌四奏。傷心不  
忍問蒼苔。世情付與東流水。窮巷蒼苔絕



知己巖扉松徑長。寂寥東園幾樹桃花死。  
媿尔東西南北人。欲向何門吸珠履。嗚呼  
五歌兮歌正長。雌龍怨吟寒水光。世人結  
交須黃金。郢中白雪且莫吟。桃花欲開不  
自覺。千里春色傷人心。眼前好惡那能定。  
隔葉黃鸝空好音。嗚呼六歌兮歌思遲。一  
沉一浮會有時。天寒野陰風景暮。落日踈  
鐘小。槐雨窸窣寂寥寒。揚子居惟有幽人自

來去。何用年年空讀書。井底看星夢中語。

嗚呼七歌兮情終曲。空庭細雨莓苔綠。以

意驅遣成語故無湊集之痕第七句仍  
用杜陵原本因無可集也存此以備詩  
中一格

### 懷張考夫

契濶張夫子。平生定典型。立言惟布粟。為  
政在家庭。上下論千古。東西有二銘。閒階  
帶艸色。幾日又青青。  
老杜吾宗老孫子一  
章銘入十字中猶書



家之有  
繡本

送查三容攜家入楚便往滇中

念尔携妻子。圖書共一船。此行將萬里。為  
別動經年。春艸迷江渚。秋風落瘴烟。故人  
崔李在。相望碧雞前。

俞

瑒字犀月江南吳江人。犀月精  
心徽古秀野顧太史選元詩初  
集兩人共商推者也評點文選杜詩  
流傳吳下詩稿無從尋覓故所收止  
此。

田居

仕宦非吾分。力農恒苦飢。閉門多感懷。出  
門又何之。散慮南林下。徘徊傍清池。芳春  
二三月。草木含華滋。澤蘭被幽渚。桑柘低  
柔枝。輕風颺微薰。坐以不知疲。過見荷鋤  
者。行行向東菑。良時既云尔。人事亦有宜。  
會須各努力。勤惰當自知。行思耦耕計。無  
令悔失時。歸來陌頭路。草露方沾衣。



顧有孝 字茂倫江南吳江人縣學生。

茂倫居釣雪維以選詩為事唐律及。本朝近休皆有選本詩稿亦未及見

寄贈沈留侯偕卜阮北上

春風揚柳拂行舟。有美聯翩共遠遊。入洛陸機新作賦。依劉王粲故多愁。舊京珠履三千客。荒塚冬青一十秋。湖上好山無恙在。獨特危酒對羣鷗。

顧 樵字樵水江南吳江人。樵水工畫亦有詩名。

復遠遊。梁遊人對此空嗟悼。胡笳蘆管聲中老。牧馬常過屠肆旁。射鴈每向羹山道。淒涼今古不須哀。極日秋風萬里開。試向東都更長眺。銅駝金谷半荒埃。此感流寇而作也。前寫汴梁之盛。後形汴梁之衰。婉轉悠揚。初唐風調。

晚泊京口

舟行易。日暮旅泊背孤城。酒力當秋勝。鄉心逐夜生。人煙都會地。風雨大江聲。明發



空南望蒼然北固橫

夏日雜感

燕城柳色綠成陰。詔遣賢王羽騎臨。風急  
雙鷗辭塞口。天清萬馬浴江心。虛傳此地  
繁華久。誰念當年戰伐深。歌吹竹西如尚  
在。休教笳管漫相侵。

金陵

鷄鳴山上滿青莎。玄武湖邊空碧波。草滿

故陵埋石馬。月明荒徑泣銅駝。六宮夜雨

棠梨落。萬里秋江葦荻多。猶有南朝城堞

在。景陽遺恨獨悲歌。聖祖南巡後脩葺

宋碑額非復向時園寢矣詩成于未巡幸時故有第三語

京口作

鐵甕城西鼓角催。扁舟遙自秣陵迴。天清  
瓜步中流見。風起長江動地來。楚蜀帆檣  
千里集。金銀山寺兩峰開。秋光潦倒南遊



客落日魚龍夜夜哀

七律沉雄蒼老信陽北地之間。銀山俗

名對金山而言實即蘇山也

○顧景星

字黃公湖廣蘄州人著有白菊堂詩

題內府所藏唐人百馬卷子

開元廐馬四十萬天寶從龍誰最健夜讌  
火鼓延秋門晝爭豆莖咸陽店萬里橋頭  
百存一騎去東宮還幾匹當時芻秣盡凡  
木急難何曾見騰逸此圖蒲稍僅百馬母

乃樂坊教成者細看不是臨陣姿可惜登  
牀汗流赭黃衫奚官三五人鏤花玉帶繡  
抹巾羈前寶絡墜金鐸覆以羅帕承錦茵  
可憐賊破西京後此馬全為承嗣有鼓聲  
應節反見妖血碎桃花死猶吼圖藏內府  
已千年相傳畫手南唐前畫師有意惜奇  
駿不遣驅馳供舞筵君看老驥還遭放儘  
有驪驪氣凋喪音節難逢大宛種菴屢濕



邊庭瘴俶儻何須四百蹄壯觀爭多真畫  
師轉思腰裏不世出天子獨乘何所之芻

畫凡才二語比當時養膏流臨難退  
避如陳希烈張洎之輩而願真卿之忠  
直不識為何如人也  
借題發揮乃見作手

汪徵遠

字扶晨江  
南徽州人

天平石入師子林

深松寒白石僻路到人稀仰見高峰頂孤  
僧采藥歸雲多從杖起鳥不上山飛薄暮

一聲磬猿公來欵扉

向遊師子林雲滿屐  
席半山即無鳥聲讀

此詩知真  
寫得景出

上蓮花菴

秋山鐘梵寂羅徑上崔嵬意想不到處峰  
巒忽盡開石林平落葉古壁滿荒苔更羨  
孤雲逸松巔自往來頂有到者方知豈有  
此理題額三四語即

是此  
意

坐狎浪閣



高閣臨溪水薄暮軒窗開不見菴中僧微

雨潭上來

不見菴中僧二語三  
漁洋謂其不愧古人

○江洪度

字于鼎江南歙縣人諸生著有  
餘事集○于鼎詩漁洋定其全

集歌行中賞其建文鐘篇云中有史  
筆非苟作者今集中不見此詩可楷  
也

次街口

萬山落飛瀑競向清溪會深洞穿松杉葱  
菁紛映帶積石竦劍鋸百重無巖瀨篙師

慣歌嘯險絕了不礙撐撐排巖巒幽異比

中最轉情嶮熾中蒼黃出烟靄漁火半明

滅海月上山背家鄉送別人已隔青峰外

過險而驚出嶮轉情無  
情人不知是語之妙

七里瀨

日照丹霞西雨來青嶂東船頭氣澄碧船

尾陰溟濛峰交路疑盡溪迴絕無窮渚清

水禽悅徑碧巖花穠束髮志沉冥思躡客



星踪曩遊已十載。老大仍飄蓬。山頂石乳

滴服食使顏紅。丹梯不可上。神仙杳難逢。

何日謝塵緣。煙波從釣翁。起西語即所謂朝墜于西崇朝

其雨也。弔嚴陵意。只于隱躍見之。

葉菴大師白注侍御熊公諱開元

九尺老比丘。骨立石崖松。楞伽把一卷。兀

坐西南峰。舉頭近帝座。低頭睨寰中。批鱗

丹陛前。驅鱗滄海東。昔懷寧。易平托。鉢降

毒龍陽。靈大地。匿雨雪。春山空。樵徑白雲

迷何處尋孤踪。

蘆中老人白注禮部即王公諱泰徵

蘆中人易老。不復刺漁船。悲歌采薇蕨。歸

卧西山巔。山路華嶮巖。足音少人傳。氣衰

筑難擊。不如弄雲烟。骨瘦薪難臥。不如枕

清泉。清泉滌塵襟。雲烟幻眼前。夏思能傷

人。誰禁遲暮年。



鼠渡江

江北鼠口銜尾結伴成群。滿沙驚飛塵滿野。烈日在天。江北農人憂心如煎。江南稻秧齊。沃土不涸雨。同類渡江適此樂土。楚豫稻梁堪足天下。今年不雨。春復夏佑不開倉。穀添價鼠乎鼠乎。勿食禾黍禾黍食盡及爾同死。由江比而及江南兩地之禾同盡也。鼠俱餓死。其人可知矣。此種詩從變雅申來。

欽定國朝詩別裁集卷十六

禮部尚書臣沈德潛纂評

彭始奮

字中郎河南通鄧州人

滇南

久客愁。攀廢苑。松檟家天末。盡相從。蠻兒乘象同。牛馬楚道看。柹無夏冬。交接漏天常作雨。倒流滇水不朝宗。獨期攬勝遐荒外。恨未曾登雞足峰。



寄隴西觀察趙韞退先生

新分采邑陝西偏。上奏仍屯塞下田。部候  
先零疆作帳道通西域。雪為泉陰山控馭  
六千里河套因循三百年。會見殊勲陵海  
外。那煩班固勒燕然。

陶

窟

字苦子廣東順德人。陶氏世  
力于詩書不襲牙慧語亦博錄七  
也。詩無纖末被其成詩為之修恐  
而混真故特  
表而明之

古鏡

先秦遺篆在想像出深宮。明月不生處清  
光時與同。有形隨自應無相本來空。白盡  
人間髮全歸一照中。賦鏡者未曾道及第  
六句可以証禪亦以

明虛靈之體  
仍儒家語也

冬草

三徑經冬掩飄零對汝時未充君子珮徒  
結美人思世態看蓬轉孤心感鬢絲平生



抱微尚不與眾芳期借以自况非尋常若題體

送張超然

閩粵無多路。思君見面難。高文明輩重。落葉客程寒。死。臚。也。相訪。素絲勞共彈。重華不可作。幽思更無端。

望零丁洋寄懷友人

兩年九月此經過。極目滄茫感逝波。窮島漢。槎。無。限。路。秋。水。禾。黍。自。成。歌。忠。臣。淚。帶。

寒潮長楚客悲逢落葉多。欲寄相思過去

雁故人歸夢。香星河。因信國孤忠懷及友人不拋擲零丁洋意

秋望

數聲離鴈下寒汀。世事相看散野萍。入水

苦。苑。思。共。濟。望。秋。滯。柳。感。先。零。憂。心。滿。似

將。圓。月。旅。髻。疎。同。避。曉。星。獨。漢。鞮。糧。候。槎

影。美。人。空。自。隔。滄。溟。有志濟時而撫躬已老豈尋常栖隱士耶

老杜有感于聖朝無事物多病已成翁也



查容

字韜荒浙  
江海寧人

送武曾之宣府

由拳城頭月華白。張燈置酒宴征容。由拳  
城外柳條青。平明相送出津亭。羨君意氣  
真無比。此去幽州幾千里。攬轡遙看冀北  
雲。挂帆徑渡淮南水。太行山高日欲斜。邊  
風颯颯飛塵沙。候騎千屯吹管籥。明駝一  
隊奏琵琶。上谷使者與君厚。轅門揖客論

故舊。伐鼓鳴笳部曲前。錦筵紅燭軍麾後。  
觥籌交錯坐忘疲。平缸瀉酒醉難辭。壯士  
橫刀看草檄。美人挾瑟請題詩。丈夫三十  
猶未遇。走馬窮邊那復顧。野狐嶺下白草  
枯。卧龍岡上黃雲暮。客中行樂不知年。但  
看月出幾回圓。沙場忽聽思歸曲。應使鄉  
閨望眼穿。得力于  
卷嘉州

贈別少典



鳴榔伐鼓不曾停。月落津樓見曉星。芳草  
自分南北路。垂楊相送短長亭。歌殘銀燭  
愁離別。勸盡金壺醉未醒。豈為燕臺師郭  
隗。一時客去感飄零。

潘鏐 字雙南江  
南吳江人

金山

孤嶼中流峙。橫空勢欲吞。天清江作帶。地  
闊海為門。塔影魚龍靜。月。秦茫茫。

千古意。醒酒共誰論。造句  
奇警

揚州秋感

光岳英靈河雒分。尚餘寒燄射青冥。將軍  
關外空專鉞。丞相營前竟墜星。鬼哭郊原  
淒曉角。鶴歸華表泣新亭。秋風萬里荒林  
下手折黃花。當薦馨。拜史閣部墓而作見  
四鎮。屢無功而閣  
部惟鞠躬盡瘁死而後已  
也。此以忠武許之者深

寄顧茂倫先生



十載江城久未過。美人幽夢近如何。著書歲月窮愁老。對酒湖山感慨多。誰重延陵貽縞帶。節高元亮臥烟蘿。還期鼓楫成良會。聽取尊前白石歌。

彭

桂 字爰琴 江南溧陽人 陳子山 桂 學士 携爰琴詩見示 係鈔本 屬

子 選定 刪存 四卷 僅取 甚便 匪節 錄九章 終以 不能多 取為 憾也

出宣州過簪嶺入欽州界遇雨

遊子倦行役。攀折畏險阻。宣欽盡山城。峰

巒互撐拄。叢菁裊郡縣。仄澗跨垣堵。茲嶺何若堯。懸道通一縷。峭壁插天門。裂石界地戶。泉奔脚下雷。風嘯空中虎。朗日眩神魂。旅人怯亭午。况乎我獨行。縹渺入雲雨。

揚州離署為董江都故居署後有祠

遺井尚在丁巳秋瞻謁感賦

鄒魯儒風溼。羸秦強力逞。蘇張舌肆矛。申韓智設穿。典籍付劫灰。仁義棄荒槩。亭長



馬上來功成亦僥倖苟且由蕭曹因循及  
 文景卓哉江都相量賈非可並三策本秦  
 秋反覆誠修省正誼與明道功利所亟屏  
 至今兩廡祀千秋日星炳管子霸者佐思  
 以富強聘官海始熬波國用因不窘後世  
 桑孔輩錙銖收幾盡淮南百萬租設使俾  
 專領趨蠶如蟻蠅處滑同蠹鼯誰令先生  
 屈一朝作金礦我茲瞻荒祠三歎中耿耿

幸有遺井在悠然自清冷獨采酌寒泉對

之條心影

前以蘇張申韓諸人引起見道  
 而久烈衣得遺子而始正也後又

漢管子之熬波說到東孔盡利淮揚之  
 間蠶屯蟻聚而董子之居竟為堆積金  
 錢可與幸有遺井存可以洗心鑿影猶  
 極矣熟讀詩服清淨散也此種詩不同風  
 雲月露之作而又本  
 入于清淨以為高

夜飲閣再彭席上聽孫良侯搥鼓歌

空堂昨暮聞疎雨颯颯秋聲滿庭戶可憐  
 今夜露華中明河碧漢還如許堂中燒燭



夜讌客。有客酒闌起離席。自言搥鼓聲最  
豪。奮袖操槌將欲擊。欲擊未擊手徐低坐  
上。先教衆樂齊衆聲。雜作一聲下。倏如蟄  
雷動。春谿鼓聲如雷手如電。湏臾迸激飄  
飛響。管音何亮磬何幽。忽捲諸音聯作串  
初聽緩襲裂一聲。迴抱腕乍聞急百萬軍  
中。單騎入急復散。蕭蕭欲蕭。徧鳴雁散終  
促懸崖。萬點亂噴瀑。有時宮海濤。洶湧紅

日中有時商鳳皇。九子鳴鐃鐃有時。角擲  
地塊。盤起舞樂有時微。有時羽微如嗚咽  
灘流水。羽如聞關。鶯滑語五聲。都會鼓聲  
中。低時能辨高能融。直教上拂星斗亂。直  
教下徹井泉空。仰看缺月銀牆上。邊風露  
草吹相向。鼓聲闌出畫堂中。只覺天清與  
野曠。於中能識鼓中神。揚桴擊節旁無人。  
淵淵沈沈有妙理。能動高雲不動塵。聽君



擊鼓悲無那。好歇鼓槌來入坐。自從驚鴻起  
漁陽鼙多少。江山都入破。二十年前日夜  
聞野花沙草。弔殘軍到今凝碧。池頭問祇  
有雷生曾報君。客聞此言神欲奪。兩手忽  
落雙槌歇。鼓聲一上截。衆聲空裏餘音猶  
恍惚。耳邊尚覺來聞也。與君盡醉酒杯前  
開顏但為主人飲。今年歡會知何年。勸君  
打鼓莫輕下。世無曹瞞安足罵。主人縱有

今年衣不遇禰生未許借

魚遞而來備極

陽擊鼓罵流寇之亂悲此林漓未又結  
到不輕擊鼓真覺四座無人目空一世

建初弟來都省視喜極有感

相持莫下拜。拭淚認分明。訝尔顏何瘦。令  
余痛失聲。饑寒留剩骨。患難得餘生。乍見  
渾無語。那堪悲喜并。

為致慈親語。殷勤勸早歸。歎余違井邑。况  
汝別庭闈。每念尸羅誓。苦深慙。彈缺非向來。



多少淚都染手縫衣弟傳親語勸歸而已與弟轉並滯客途倚

問之息愈切矣此種是真杜詩

更傳兒女意盡解憶長安索飯啼堪念幸衣別自難兩人今旅次八口在江干此際

愁何似秋風暮更寒比不解隨長安更覺可悲不解憫其無知

盡解又憐其聰慧也

同蒼符過王勤中怡老堂自注堂為文忠公歸

沐之巧勤中其七世孫

宰相當年怡老堂雲仍七葉守青緇成弘盛世思元老晉宋新亭滿夕陽蕉葉雨斜侵硯几藤花風細落書牀推君逸少蕙塵詰文藻東吳獨擅場

荅懷閣再彭

記別淮陰擲釣竿楚天雲樹竟湯漫徒勞問荅皆賓戲始信文章果說難肥馬塵中孤客賤嚴霜夢裏故鄉寒自慙未得酬知



已腰下吳鉤怕解看

○彭

極字則琳江  
南溧陽人

得爰琴兒都門信

牀頭寶劍泣魚腸賦就三都價未償絕不  
待人惟歲月最難為客是風霜春山自灑  
啼鶻淚慈母曾縫遊子裳今夜挑燈應獨  
寐好將歸夢繞高堂

吳之振

字孟舉浙江石門人○宋代詩  
前此無選本孟舉刺宋詩鈔共

百數十家已所成

詩亦俱近宋人

登韻送葉星期歲暮還山

空山鸞嘯激清音壑斷雲連咫尺尋老去  
貧交難聚首眼前生客怕輸心長鑱劇處  
霜苗短柔櫓聲中落葉深萬頃菰蘆堆碧  
海星星漁火入香林中有佳句

○山

崔公齊

字青時江蘇  
江都人諸生

燕來巢為李秋水作



去國懷鄉莽自哀，舊時庭院鎖莓苔。  
塵凝風慢人初至，梁落春泥燕又来。  
紫海路深音信斷，紅顏年遠雪霜催。  
營巢哺子依君屋，也自逢秋未忍迴。

歲暮送戴衣間還苕溪

荒郊晴雪映行裝，送客江亭恨綠苔。  
鳥近黃昏皆繞樹，人當歲暮定思鄉。  
經年文酒情相似，異地雲山夢不忘。  
最愛苕溪好風景。

月明年秋欲擢輕航高青邱清明無客不

亦不讓前人

○龐 鳴字走公江

南嘉定人

吳宮詞

麋鹿移得苧蘿春，沉醉君王夜宴頻。  
臺畔卧薪臺上舞，可知同是不眠人。  
吳宮之女采香越王

夫人采葛猶此意也  
一用并說垂戒悚然

○周稚廉字冰持江南婁縣人  
冰持為



觀潮賦得名因不  
永年故詩傳絕少

送馮寶初

木末花開柿葉稀，旗亭分手淚沾衣。憐君

身似江南燕，又逐秋風望地飛。不落送  
人窠白

○洪昇字昉，思浙江錢塘人。上舍生，著

演所著長生殿傳奇，至於斥革受辱，  
又曹家難坎填，終身五十餘墮水而  
沒。天之厄之為已極矣。而其詩流澹  
成家，漁洋及門中在吳天章下餘子  
之上，應以  
可傳評之

石門

先賢逝已，小子亦宿石門。天寒鳥自歸林

表斜陽昏，吏隱計難得。詎知憂世屯棲七

終短褐，此意向誰言。玩詩意乃魯地之石  
門也。懸吊長門亦自  
抱

征途曉發

夜發薊丘道，馬蹄踏霜華。月照千里白，不

辨冰與沙。行行三十里，始聞啼鴉朔風

國朝詩別裁集卷十六



起何處隱隱鳴悲笳徒侶慄不樂從者咸  
咨嗟揚鞭強笑語前村有酒家

送吳位三歸宣城

宋家丞相後喬木到如今之子獨古處對  
人無俗心偶來京洛道旋反敬亭陰芳草  
白雲外春山深復深。

雪望

寒色孤村暮悲風四野聞快深難受雪山

凍不流雲鷗鷺飛難辨汀沙望莫分野橋

梅幾樹併是白紛紛山凍不流雲五  
字寫盡雪望

蒙山道中

亂石繞東蒙崎嶇古道通一身千里外匹  
馬萬山中密樹遙遮日輕花細逐風望雲  
雙淚落豈是為途窮。

寒食

七度逢寒食何曾掃墓田他鄉長鬼女故



國隔山川明月飛鳥語空山叫杜鵑高堂  
添白髮朝夕淚如泉。

柬李東琪

聞君昨日到長安驛路風塵乍解鞍古寺  
樓臺高避暑晴天松柏書生寒親和把臂  
他鄉少貧賤論交此地難我自飄零歸未  
得秋江勸尔弄漁竿。貧賤論交到處皆難  
長安尤甚此身親閱

歷之

衢州雜感

嶺岼嶺執蓋仙霞阻遏妖氛建虎牙障日  
叢篁容劣騎連雲列戟不通鴉居人亂後  
帷荒蟲藥蕪歸來止數家。一片夕陽橫白  
骨江楓紅作戰場花。鳥飛首伏也此為下  
有伏兵而言若連雲  
列戟則鳥不致飛矣此非入微下  
半寫亂後景象如置身古戰場間

將遊大梁

匹馬嘶荒野羣山擁亂雲迢迢二千里去



哭信陵君

公子行

春明門外酒樓高，稱體新裁蜀錦袍。花裏一聲歌子夜，當筵脫與鄭櫻桃。

釣臺

逃卻高名遠俗塵，披裘澤畔獨垂綸。千秋一箇劉文叔，記得微時有故人。非表光武正妙在貴

忘我者之古今皆然也

答友人

君問西泠陸講山，飄然一盃竟忘還。乘雲

或化孤飛鶴，來往天台雁。空問陸護山謂麗京也

京或傳仙去或傳為僧或傳相遇於天台右一故有此詩

毛師字亦史江南太倉人

兵過

寧夏三邊要防秋，萬里屯營移千帳。白馬飲一河，渾但覺旌麾靜。真看節鉞曾軍容



同細柳。知不負君恩統

舟中兩夢亡婦詩以志感

落月篷窗照水濱。音容疑假又疑真。鏡分  
生死傷心切。愁繞關河入夢頻。酒醒乍驚  
身在客。淚殘猶道汝為人。廿年舊事從頭  
記。荆布相依最苦辛。切舟中切夢并切兩  
夢別於尋常悼亡一  
喜雲間徐台素至自甘州幕府話舊  
有贈

挾策携琴絕塞行。將軍長揖重先靈。題詩  
好徧雲中戍。射獵應過雪外城。綠酒黃羊  
長州檄。黑貂紅燭夜談兵。歸來萬里雄心  
在。莫惜離懷醉後傾。

二 鸚鵡

綠襟紺翼赤欄東。雙立雙棲入畫中。縱使  
羽毛休見妬。為能言語却爭工。堂前報客  
聲相應。隴首思鄉夢不同。枉自含愁頻對



舞何須玉粒戀雕籠語人後儼意着筆妙能渾然無痕第六詩

用同床各夢意真匪夷未思矣

### 朱仙鎮拜岳武穆王廟

破竹真能復兩京十年坊績痛垂成但知  
金幣堅和議忍使香盆聚哭声手挽山河  
心未死身騎箕尾氣猶生經過當日班師  
地千古令人涕淚橫

### 追感杜茶村先生

一生心事向誰陳道路皇皇老更貧白髮  
幾人懷故苑青山何地盡遺民往来自公  
歌衰鳳絕處猶堪紀獲麟名並少陵身客  
死自注先生沒於維揚旅寓空餘書卷照千春陳北真守江寧  
時始葬茶村於聚寶門外此時猶未葬也或云紀獲麟措語太重此言誠然然  
太白古風云希聖時有作絕筆於獲麟詩人之辭不必過於執著

### 方山阻風

征帆早喜到江東疑望鄉關咫尺通豈謂



三朝又三暮依然愁水復秋風空餘山色  
烟波外枉御秋光道路中但得快哉旌脚  
轉更何分別問唯雄

陳學洙字左原江南長洲人康熙甲子

舉人。左原先生與弟右原為  
宰生兄弟形似性情學問志節無不  
相同不止如雙丁二到已也詩品雅  
素並追唐人尤悔庵太史謂陳氏兄  
弟昔稱二難今日二難復見陳氏其  
言然

君子行

君子畏避大廷乃敢言小人豈言稱衆矣  
影不可捫繩尺君子心之死靡所奪脂膏  
小人態臨難思苟活譬如丹山鳳煌煌世  
之儀地蝎藏陰房白日難逞威又如青松  
枝經霜不渝色厭彼荆棘繁翦伐何足恤  
緇素既異染砥瑜僅同形瀉水一器中當  
辨渭與涇漢樂府祇說君子避嫌此則君  
子小人之分判如冰炭白黑矣  
未歸到入君之  
能辨尤為得要

國月寺川...



閱省試錄見璋兒名喜而作此

羈人百憂焦煩亂不能理觀空息群妄澹  
泊對流水簷端噪乾鵲何事聒吾耳南國  
賢書果郵騎持片紙解額六十三有汝名  
在裏大江巨南北鎖關萬除志高才動淪  
落老至常拊髀流年燦筋骨飲恨積塊壘  
汝年弱冠餘腹未能經史不遇何足歎得  
之亦偶尔憶汝周歲時呱呱而索乳汝母

躬撫育一夜常數起抱置大母前呼名朝  
唯唯姑婦相視笑吾宗有孫子安得若長  
成讀書取青紫斯言宛昨已逝者已如彼  
傷哉泉下人不及親見此吾哀久於後感  
糜靡所止膝下無他鬼舉目惟在汝幸汝  
名稍成使我心竊喜會須覽皇都魁書  
趣行李前見遇合之偶然失不足悲得不  
幸喜後見大母與母氏之屬望而  
與其成名不及親見亦足感  
也詩到有烏菴乘線是真詩



別弟

不敢垂雙淚。孤懷自黯然。恐添慈母念。翻  
免病妻憐。書札從人寄。家庭賴汝賢。歸心  
倘可遂。應得在春前。少陵與諸弟詩字字  
從心坎流出所以獨

絕作者直如面語  
忘乎其為詞語矣

行次滕縣

望裏煙生雉堞低。滕陽城外炒萁迷。田  
蕪盡業安征稅。淳朴遺風厭賦詩。古園林

禽上下。綠楊村舍水東西。山中鄉土殊堪

樂。莫惜從容駐馬蹄。井田淳朴能舉滕縣  
之大前輩勝斯花開

色似銀舉其  
瑣細而已

燕京雜詠

萬里風煙古比平。蕭蕭牧馬遍龍城。旌旗  
曉接長楊苑。刁斗宵催細柳營。輦下公卿  
多結客。市中屠狗亦成名。儒冠拓落知何  
事。自笑江東一步兵。



帝城高接太微垣，龍馬蟠迴勢欲騫。閨鎮  
居庸當北面，河流滄海挹中原。葡萄萄翠色  
來安邑，驛驛花髮出大宛。正是金輿巡  
幸後，九重無事只臨軒。

一從丹詔下，明光封事朝。朝獻未央。

聖世保衡商左相，金門待詔漢東方。碧雞  
久說通，印棘人白雉初聞貢。越裳自此萬方  
歸有迹，扶餘海外不稱王。時三藩海氛俱  
靖，故有是篇。

與廖天自夜話

牢落蕭齋病後身，燈前款款話相親。寒暄  
世態，吾偏拙。貧賤交情，尔最真。縱酒莫辭  
今夜月，悲秋俱是異鄉人。明朝便作河梁  
別，天末涼風起白蘋。惟貧賤交，故其情  
乃真，感慨係之。

茉莉

玉骨冰肌耐暑天，移根遠自過江船。山塘  
日日花城市，園客家家雪滿田。新浴最宜



織手摘半開偏得美人憐  
銀牀夢醒香何處  
只在釵橫髻髻邊  
花取半開留餘韻也  
於此花尤宜西樵老

功後又添  
名作矣

### 哭外舅劉西翰先生

西臺慟哭血沾巾  
百結麻衣劑一身  
地北天南拋骨肉  
魂來夢往傍君親  
孔融收繫無完卵  
張儉流亡少故人  
支道隆前聊寄跡  
此生長作宋遺民  
尊人公旦公全音陽  
高節西翰先生

砥行年九十餘終  
故以宋遺民况之

獨行歸然老布衣  
荃期不特古來稀  
立錫無地能安道  
抱甕何心俱息機  
愛女早歸泉壤去  
遺孤尚作斷蓬飛  
山頽木壞人嗟歎  
星象於今暗少微

### 送倬雲南還

滿地風塵急暮笳  
歸程好覓渡江艖  
故園兄弟如相問  
只道征夫不憶家  
征夫憶家  
人人能道

月... 卷六



語耳此神云不憶家以憶家之語不一傳也

紙窓矮屋似僧龕春去春來總不堪忽見  
桃花紅映面一時回首望江南。

悼內

簇蝶金泥香不存空箱顛倒月黃昏。牛衣  
一挂渾無恙猶有當時對隘痕。牛衣對位尋常引用

此以追憶出之其情更深

妙意曾弄管斑斑剩粉殘脂次第刪略記

紅箋留片語

自注內平

錄以非婦事書數之頃撫廢

李國宋

字湯孫江南興化人康熙甲子舉人著有螺隱居詩

牛首山

獨上藏龍窟遙瞻踞虎邦四天圍碧嶂一  
氣凌寒江淨貝安禪悅香燈冷法幢頓令  
塵思盡高倚白雲窓。渾然而來大氣大力

朝天宮感懷



治城山色帶殘暉。絳節中天渺翠微。自昔  
鼎成龍已去。只今松老鶴還飛。齋宮窈窕  
聞金磬。泉海蒼茫想玉衣。唯有步虛諸羽  
士。秋風時禮白雲歸。

### 望國山

岳麓銅峰面面分。雨中遙望國山雲氣宮。  
秘記金函冊。青嶂殘碑石鼓交。虎踞幾年。  
瞻王氣龍驤他日。駐新軍。九峯環繞荆溪。

水。留得... 國山有皇象篆碑也。國運

將珍酒... 對天... 休  
之詞... 殊見... 刻

### 李

... 嘉... 建... 閩... 康... 甲子

詩... 虛... 已... 受... 益... 有... 指... 其... 詩  
... 者... 應... 時... 改... 定... 詩... 多... 見... 道... 語... 因... 未  
... 本... 錄... 其  
... 一... 章

### 過司馬表聖墓

古道瞻遺蹟。豐碑紀有唐。榮華辭散苑。泉  
石殉君王。詩書印早元。相清風慕首陽。如何



長樂老黃髮耐興亡。表聖評元相詩比之

危亂之朝無宗社之寄隱居王官谷被

召陽為哀誓丐歸後聞哀帝被弒而卒

跡近隱淪心寔忠良也泉石殉君王移

寫懷

覽鏡何顏面江東一腐儒。父書空滿篋母

線尚繁。福窮巷慚南阮。騷壇廁小知。世人

惜愛錯不賣。檀中珠。胸中有物

藍啟庸。字恭元山東即墨人

送郭華野總制湖廣

中旨纔傳出漢宮。直教歡喜到兒童。如聞

元祐徵司馬未許。東山臥謝公。列郡應多

投墨綬當朝誰不避青驄。澄清豈但荆

襄路。侍見評謨沃聖衷。華野名瑋彈劾

朝野後以報復權折聖祖南巡問吳

江士民誰為薦更衆以瑋對聖祖命



馬之鵬 字文淵湖廣蒲圻人康熙乙丑進士歷官戶科給事中

別毛姬黃陳相宜

薄遊至西江東南逢二妙本是同門友同心復同調樂奏金玉聲情深知仁樂去清風披素襟明月朗餘照已見投膠漆無庸判紵縞胡然忽分張殊方理征棹越俗歛文華芝風戒輕剽安驅越中和研精歸道要江潮暫分流終為合廊廟天心展大猷

母為戀蓬萊毛與陳皆越人已為楚人勗指詞何温厚也未望其策名清時所見尤大

除夕得廬字

臘雪初消歲又除鑪灰徐揆定更餘親闈此夜思遊子客路經冬阻尺書卷軸隨身成故友乾坤何處是吾廬添年便惜年華減飲罷屠蘇轉歎歎

徐元正 字靜園浙江德清人康熙乙丑進士官至工部尚書



廣陵懷古

間追舊迹檢殘編。繡柱珠簾盡惘然。東閣  
詩成何水部。揚州夢覺杜樊川。尋春易過  
佳風月。送老難忘好墓田。莫怪無人能跨  
鶴。誰齋十萬作腰纏。

汪

顯字文漪。山東臨清人。康熙乙丑  
進士。由翰林官至河南巡撫。著

有倚雲

閣集

拜楊伯起墓

蟠龍閣塞近。大鳥墓門深。萬古長河水。千  
秋暮夜心。衣冠朝嶽麓。蘋藻薦桃林。夫子  
應知己。囊無陸賈金。無刺語便  
是作家

送謝方山郎中告歸

孤心霜月迥秋清。三十年来翫世情。真得  
意時惟嘯詠。不如人處是功名。三臺後輩  
多迴席。五字偏師盡卻兵。舒卷從心難繫  
縶。白雲天際任縱橫。五六承三四言之  
唐人中有此格



施何牧

字質虞江南崇明人康熙乙丑進士官吏部稽勳司員外著有

一山詩鈔。一山先生中歲歸田守正履道詩學斷斷唐宋之分不肯隨時趨向今沒世三十餘年詩卷零落幾盡矣茲錄其向日所鈔五篇聊志風槩

效諸將三首

萬疊雲山。山外城登。一望氣嶢嶢。渠搜西去新傳箭。弱水東來盡列營。有俟絃歌工化俗。且將鞞帕學論兵。親見高宗

伐奇績無須三載成

關河日夕羽書傳。億萬芟蕪帑錢不為陳師來。紫塞何緣轉粟上青天。至尊滅膳龍庭外。諸將忘身虎旅先。自古足兵謀足食。四方頽祝屢豐年。

天山八月朔風吹。兩道飛符並出師。突騎全憑白馬將軍弓。已斃射鵰兜金城舊日屯。克國瀚海今朝斬郅支。秦鏃尔西戎稽顙



後還祈于羽格諸夷詩詩意應是 聖祖

師既遠轉粟甚艱故 聖祖因其服罪

而赦之今國有結逆 皇上聲罪致討

部落按誠罪人斯得兵 不血刃而已奏

蕩平從古王師所未有也錄考功詩因

恭紀 聖人神武侯 後之覽者有所考云

九日放舟山塘  
老去登臨興未刪便乘小艇放溪灣高原

水淺苗初出密樹霜濃葉漸殘半世功名

隨旅鴈百年心跡對秋山黃花此日何容

寐一笑層崖更攀

贈焦山人

冷冷秋閣大江臨中有幽人補玉琴一自

霓裳檀板歇幾回鐵篳戩枝沈孤鐘斷續

迷寒雨冷燄高低起暮陰此日孝然如可

作白頭肯負紫芝心此贈焦山冷秋江作 嘉其高隱勉其不負

初心得古人 贈言之意

黃庭字載山江南長洲 人康熙丁卯舉人



延川道中

水似瞿塘險。山如劍閣雄。奔濤時齧岫。盤磴半臨空。馬踏雲頭上。人行石腹中。那知巫峽雨。翻作塞門風。能作奇語

寧夏渡河

峽口回波繞塞流。自注峽口山名兩山相夾河流其中黃河利獨擅邊州。千屯得水成膏壤。兩壩分渠振上游。自注漢渠唐渠今名大霸壩分渠壩蓄水既田壩受河利雞大人

家紅稻岨。魚鹽賈舶白蘋洲。那知澤國隄防急。百萬金錢擲浪頭。

正月既望自錢塘進艇新安江行十日達紫陽門即事寓懷得船字

吳榜停時。櫂越舫。湖原浙水出山泉。一千

里近新安路。三百灘齊天。日巔自注新安平地與天

目山軒后臺前神獨往。羲皇卦外歲初遷

自注子衰年興待名山助。擬向雲端采



石蓮子遊黃山年七十有八視作者多  
十有七年與待名口助其言果然

送陸翼王徵君南歸

天際冥鴻不可求。高飛豈為稻梁謀。山中  
大隱徵弘景。海內奇書問鄴侯。風雪五年  
留上谷。鶯花三月下長洲。吳宮春色應如  
舊。眺望先登開府樓。

馬嵬

方士鈿釵何處得。農夫羅襪此間收。蒙塵

莫漫尤顧曰猶居家士舉。邱本禍水也

家生色見文人筆舌之巧

梁佩蘭字芝正廣東南海人康熙戊辰

瑩堂集。葉亭中順治丁酉鄉試第一至戊辰年六十餘矣未一歲即乞假歸同榜中俱以前輩事之

養馬行

庚寅冬耿尚兩王入粵。廣州城居  
民流離竄徙於鄉城內外三十里。



所有廬舍墳墓悉令官軍築廐養  
馬梁子見而哀為作養馬行

賢王愛馬如愛人人與馬並分王仁正樂  
養馬忘苦辛供給王馬王之民馬日齧水  
草百斤大麥小麥十斗勺小豆大豆驛遞  
頻馬夜齧豆仍數巡馬肥王喜王不嗔馬  
瘦王怒王朴人東山教場地廣濶築廐養  
馬凡千群北城馬廐先鬼墳馬廐養馬王

官軍城南馬廐近大海馬愛飲水海水清  
西關馬廐在城下城下放馬馬散行城下  
空地多草生馬頭食草馬尾橫王諭養馬  
要得馬性情馬來自邊塞馬不輕人有齒  
馬服以上刑白馬玉絡以珠勒黑馬玉絡  
以紫纓紫駟馬以桃花名班馬綴玉鑲紅  
馬綴金鈴王甲數馬點養馬下一馬不見  
王心不寧百姓乞為王馬王不應

以扶贊頌  
之筆寫



風刺之旨貴畜賤人如此其敗亡也必  
然矣此種詩前無所承後無所繼應是  
獨開生面之作。城南馬廐近大海以  
上用真文通韻以下用庚青蒸通韻莫  
認作一韵  
到底看

### 日本刀歌

市中寶刀五尺許。市中賈人向予語。紅毛  
鬼子來大洋。此刀得自日本王。王使紅毛  
預齋戒三日。授刀向刀拜。龍形虎視生氣  
驕。抽出天上星。搖搖黃地之珠。敲及首百

寶刀環未出。自有石時黑。夜白照人殺人血  
漬紫。繡新陰晴不定。刀氣色風雷閃。惟唯  
墻壁相傳國王。初鑄時金生火。尅合日期  
鑄成。魍魎魍魎。供通國。鬻體作人。哭人頭  
落地。飛紙輕水光。在水鋪欲平。國王恃刀  
好戰。仗把刀一指。震一國。紅毛得刀來。廣  
州大船經過海。若愁携出市。中人不識價  
取千金。售不得。我聞此語空歎呼。其若凶



器胡為乎中國之寶不在。刀請以此刀歸紅毛。字字鋒銳逼人駭膽慄魄未見中國所寶在明德不在武事尤得尊崇之體

易水行

易水悲歌動天地。荆卿入秦為燕使。秦王尊禮設九賓。殿閣顧笑旁無人。於期之頭奉。上殿。血光直射秦王面。取持督亢色。倉皇咄哉。年少秦舞陽。圖窮不覺見。匕首秦

王睨之。環柱走荆卿。不得刺秦王。無且在殿提藥囊。為謀不成寔天意。祖龍膽落荆卿死。一死可以報太子。君不見沙邱之椎亦如此。荆刺秦王一係生劫之謬一係矣以沙邱狙擊作結倒襯有力

惠州王紫詮太守築羅浮子日亭落

成作歌寄之

登山不到羅浮巔。舉足萬里真徒然。瑶房



璇室七十二羣真笙鶴長喧闐况支蓬萊  
一左股金陵地肺造相連風雲雷雨出其  
下。上界漭沆涵澄鮮夜來星宿照分野有  
若榆樹垂金錢齊州九點盡可數中原一。  
縷搖輕煙就中飛雲更奇絕天門謨蕩雲  
聯縣銀河屈注倒在背帝座豁落平當前  
神霄斧鑿施不下。烏道豈有藤蘿牽何人  
築亭在其下。循州太守今豪賢為亭命名

曰子曰。意象直探鴻濛先世間萬事起根  
本黃鐘子氣無不全。靜為動本。太極理循  
環。迭運非言。詮陰陽旋轉。推晝夜陽明玉  
燭光回天紫微垣中日杲杲太陰蟠竦安  
能纏此山三更坐見日高與泰岱齊比肩  
天雞大叫海水動海中湧出金盤圓羲和  
整轡升若水神人柱用迴秦鞭太守名亭  
復為記二樓伐石為碑鐫大書年月人某



某千秋萬世名山傳附書仙人海瓊子信  
和共掣雲霞箋平生濟勝仗筋力匡廬白  
岳隨攀緣羅浮家山望咫尺反似往昔遊  
幽燕山靈待我謝招手不久黃鵠來高蹇  
洞門借騎蝴蝶入峰頂或就桂父眠煩君  
劇取龍蔥匕尺遺贈我相酌先寄飛龍篇  
波瀾層疊中就子日二字開明動靜互  
根全理而仍不入於腐筆故起氣故達  
也仙又海瓊  
子作者自謂

次京口

繞郭盡江水長虹跨不來地形山勢截天  
斬海門開白晝鼉鼉出中宵鼓角哀往時  
征戰處臨汎重徘徊。

沛中

黃河西出南徐路馬首經過識沛中一代  
帝王還故里幾家雞犬入新豐天垂芒碭  
雲疑在山擁彭城氣已空湯沐昔時諸父



老相逢誰為述歌風

閣夜

百尋古閣郡城東。簾捲前山一角風。哀壑  
有光星在底。明河無影月臨空。群生靜息  
鴻濛裏。秋氣森歸耳目中。不是夜深能獨  
醒。海門誰見日初紅。

湯右曾

字西厓。浙江仁和人。康熙戊辰進士官至吏部侍郎。著有懷清堂集。浙中詩派前推竹垞後推西厓。竹垞學博每能變化。西厓才大每

能。張變化者較耐尋味也。後有作者幾莫越而家之外。

相見坡

清風生山巔。微雨在山脚。後山路始窮。前  
山壁。又削飛龍中。忽斷奔馬勢。旋却兩山  
鬱。巖岷一水相互絡。淺雲天光漏。仄蜂石  
氣錯。俯逐飲澗猿。仰睇投林雀。高低搖艱  
飢。下上殊苦樂。彼途俄復經。此路邈如昨。  
相見難。相得青冥倚寥廓。極形兩山之險而未以相見難



相從五字括之  
可云經苦心苦

### 澄海樓

大海東迴水波惡如。山浪打長城脚千年。  
萬年鬼夜哭冶鐵銷沉石崩落王公設險  
古制存屹立重關嚴鎖鑰干戈相尋遠不  
數六十年前事如昨。大盜移國明社墟頽  
洞烟塵昏六幕。是時明門臨賊壘白日旌  
竿恭蕭索。奸兒滿盈人鬼怒世運艱危

神聖作飛龍首出在九天能虎戎衣只一

著石河西角被賊處父老猶言戰時樂後

書今見其載不聞人聲聞又散霹靂摧枝

樂可言耶風掃籜只今車書通萬里天下一家無厚

薄名都寶貝街喧闐屬國寶珠驛交錯承

平暇日展遊眺賓客閒情寄觴酌茲樓我

到亦偶爾萬古心胸忽開拓更喜天容海

色清側身東望蓬萊閣自注土人言天氣

晴明往往見登萊



也。蟻賊毒亂。興朝戰功於登樓時揮洒出之。豈同苟然之作。

登雲麓峰望南嶽歌

我聞三神山。遠在東海東。神仙恍惚路難到。世上五嶽蟠胸中。憶臨滄溟倚日觀。九萬曾踏扶搖風。昨辭蓬萊建羽節。陽景一翳迷高嵩。西南萬里入羅虛。似墮幽井窺圓穹。東還雲夢吞八九。張樂已在軒轅宮。七十二峰青聯屨。偃倉梧天外雲濛濛。清湘

水流環九面。南嶽神鎮齊三公。靈妖物怪。菽藏納丹。鞋赤慕光瞳。峰峯低昂宛相次。獨有紫蓋爭祝融。雷泓風穴互開闔。玉書金簡留翠隆。岫嶠山尖蚪蚪字。人跡欲到路已窮。使者虛亭花藥繞。山人仙骨雲霞通。似聞綠髮有毛女。不少翠羽來青童。離宮福地入縹緲。目所眺矚攀躋同。衡陽縣前昔騁望。巖陣巉巖雲排空。仙山咫尺



俗緣誤况今百病中交託并高視遠腰脚  
軟左右扶掖如衰翁道人鐵瓦緬遺構拜  
嶽之石高巖嵒九疑清猿怨遙夜洞庭落  
日浮孤蓬漢女幽蘭冉冉翠楚妃淚竹斑  
斑紅振衣周覽窮上下忽與意思增清雄  
人間擾擾等蟻蟻慎勿變化隨沙蟲君不  
見迴鴈峰來八百里揮手欲駕冥飛鴻前  
使滇回說入便有波折次寫望衡嶽處  
林瀉節端言之後憶往日經衡陽而求

登益見今茲行老不能更登也於望  
字更添一倍機批作長葛漢解此法

放舟至下鐘山

空濛一片雲滿湖西南風起吹檣烏淵淵  
且止發船鼓秀絕下鐘山色無寒裳直上  
捷猿狖樂哉一幅寒林圖絕頂飄飄目四  
豁左右江湖渺空濶烟波盡處洲渚微彷彿  
扶桑見窮髮天旋地轉不少留迴看星  
氣忽已周扁舟歲晚夢吳越注廬五老空



船頭衝艫如山萬商集使者纓旌騎吹入  
行人擾擾競錐刀落日悠悠下城邑前臨  
巨石紛盤陀你看絕壁青嵯峨玲瓏窈窕  
萬竅出安得澗汨生流波風聲水聲奈尔  
何只今埋沒塵沙多無絃之琴張素壁歲  
久抑鬱怨不和一歌如扣鐘再歌哀知音  
洞庭木脫水深深天高月白風入林或鼓  
或考聲欽欽嶺猿江雁同夜吟潏潏出聽

者龍泣漁父滄浪知此心石鐘山記波公

鐘者不必更從鐘聲落想矣  
作者別行一路故語無雷同

### 黑石渡

昨從邛山來今從邛山去邛山朽骨萬萬  
古惟有行人朝復暮黃金餽盡白石爛爛  
蟻三泉尚知處我來欲酌酒一杯落日荒  
荒下前渡朝暮行人即是邛山中人  
未語欲盡不盡點然神傷

### 山海關



東西誰界絕。封此一泥丸。地接長城險。天  
浮渤海寬。連山趨碣石。積水見辰韓。吹角  
關門出。邊風馬首寒。連下壹盛  
唐音節

辰龍關

東馬懸崖險。關門鬱不開。居然橫戟地。曾  
此挂弓回。浩蕩妖星落。蒼茫角吹哀。兵家  
爭問道。為語勒銘才。

上玉峰徐公

海岳英華益代人。由來絕業响殊倫。六經  
屢。拆羣儒角九服。齊扶大雅輪。無事心常  
愛。止索有才誰不仰。陶鈞每看元老虛懷  
處。吐握風流一旦親。

春官玉尺手親持。科目光華此一時。嘗惜  
文辭傷篆刻。獨將經術作宗師。士當失意  
猶無恨。苟懷竒寔見知。只有公門慙小  
艸也。滋化兩伴仙芝。使菴誓欲蒐羅天下  
英竒才苟懷竒寔見



知一語非虛響也少宰為司  
寇特賞識人故言之親切

登峴山亭至甘泉寺

藍輿嘔軋傍城隈積霧霾陰黯不開一磴  
自穿雲氣入萬峰爭送雨聲來山川浩蕩  
今如此裘帶風流安在哉千載牛山共俾  
涕古苔秋井易心哀

雲藏巖谷晝冥冥忽聽天風響佛鈴草際  
老僧迎客至烟中脩竹入門青坐來瀛海

茫茫地盡安山川漠漠形休問葡萄撥醅  
後甘泉一酌自清冷次章承萬峰爭  
送雨敢來言之

荊州

剩使遺隍問舊疆龍門馬牧揔茫茫接天  
波濤三江口橫地風雲百戰場尚有帆檣  
下巴蜀無多戶口在耕桑不堪原野蕭條  
地吹角重城倚夕陽

戎馬壬申遠甲申萬家煙火幾家存人如



割豕屠羊慘事異黃中青犢論妖樹禍生

天北極怪風寒捲郡南門龍陂橋外坡陀

血誰洗忠臣九地魂流冠之亂於荆襄尤甚篇中憑吊往事故

極形亂後蕭颯今則為天不重鑿矣重熙累治歌咏者可忘所自耶

黃尊古上都秋色圖

落日牛羊下遠村平沙萬馬別開屯君看

鶻沒鷓盤處莽莽青山是塞垣

國朝詩別裁集卷十六終



